

綴じ部(喉部分)の文字など開きが不鮮明な箇所あり



孟子卷第八

離婁章句下

孟子曰舜生於諸馮遷於負夏卒於鳴條東夷之人也文王生於岐周卒於畢郢西夷之人也地之相去也千有餘里世之相後也千有餘歲得志行乎中國若合符節先聖後聖其揆一也 子產聽鄭國之政以其乘墾濟人於溱洧孟子曰惠而不知為政歲十一月徒杠成十二月輿梁成民未病涉也君子平

其政行辟人可也焉得人人而濟之故為政者每人而悅之日亦不足矣 孟子告齊宣  
王曰君之視臣如手足則臣視君如腹心君之視臣如土芥則臣視君如寇讎王曰禮為舊君有服何如斯可為服矣曰諫行言聽膏澤下於民有故而去則君使人導之出疆又先於其所往去三年不反然後收其田里此之謂三有禮焉如此則為之服矣今也為臣諫則不

行言則不聽膏澤不下於民有故而去則君搏執之又極之於其所往去之日遂收其田里此之謂寇讎寇讎何服之有 孟子曰無罪而殺士則大夫可以去無罪而戮民則士可以徙 孟子曰君仁莫不仁君義莫不義 孟子曰非禮之禮非義之義大人不為 孟子曰中也養不中才也養不才故人樂有賢父兄也如中也弃不中才也弃不才則賢不肖之相去其間不能以寸 孟子曰人有



不為也而後可以有為 孟子曰言人之不善當如後患何 孟子曰仲尼不為已甚者 孟子曰大人者言不必信行不必果惟義所在 孟子曰大人者不失其赤子之心者也 孟子曰養生者不足以當大事惟送死可以當大事 孟子曰君子深造之以道欲其自得之也自得之則居之安居之安則資之深資之深則取之左右逢其原故君子欲其自得之也 孟子曰博學而詳說之將以

反說約也 孟子曰以善服人者未有能服人者也以善養人然後能服天下天下不心服而王者未之有也 孟子曰言無實不祥不祥之實蔽賢者當之 徐子曰仲尼亟稱於水曰水哉水哉何取於水也 孟子曰源泉混混不舍晝夜盈科而後進致乎四海有本者如是是之取爾苟為無本七八月之間雨集溝澮皆盈其涸也可立而待也故聲聞過情君子恥之 孟子曰人之所以異於禽獸

者幾希庶民去之君子存之舜明於廢物察  
於人倫由仁義行非行仁義也 孟子曰禹  
惡旨酒而好善言湯執中立賢無方文王視  
民如傷望道而未之見武王不泄通不忘遠  
周公思兼三王以施四事其有不合者仰而  
思之夜以繼日幸而得之坐而待旦 孟子曰  
王者之迹熄而詩亡詩亡然後春秋作晉之  
乘楚之檮杌魯之春秋一也其事則齊桓晉  
文其文則史孔子曰其義則丘竊取之矣

孟子曰君子之澤五世而斬小人之澤五世  
而斬子未得考孔子徒也予私淑諸人也  
孟子曰可以取可以無取取傷廉可以與可  
以無與與傷惠可以死可以無死死傷勇  
逢蒙學射於羿盡羿之道思天下惟羿為愈  
已於是殺羿孟子曰是亦羿有罪焉公明儀  
曰宜若無罪焉曰薄乎云爾惡得無罪鄭人  
使子濯孺子侵衛備使庾公之斯追之子濯  
孺子曰今日我疾作不可以執弓吾死矣夫



問其僕曰追我者誰也其僕曰庾公之斯也  
曰吾生矣其僕曰庾公之斯衛之善射者也  
夫子曰吾生何謂也曰庾公之斯學射於尹  
公之他尹公之他學射於我夫尹公之他端  
人也其取友必端矣庾公之斯至曰夫子何  
為不執弓曰今日我疾作不可以執弓曰小  
人學射於尹公之他尹公之他學射於夫子  
我不忍以夫子之道反害夫子雖然今日之  
事君事也我不敢廢抽矢扣輪去其金鼓棄

矢而後反 孟子曰西子蒙不潔則人皆掩  
鼻而過之雖有惡人齊戒沐浴則可以祀上  
帝 孟子曰天下之言性也則故而已矣故  
者以利為本所惡於智者為其鑿也如智者  
若禹之行水也則無惡於智矣禹之行水也  
行其所無事也如智者亦行其所無事則智  
亦大矣天之高也星辰之遠也為求其故千  
歲之日至可坐而致也 公行子有子之喪  
右師往吊入門有進而與右師言者有就右



師之位而與右師言者孟子不與右師言右師不悅曰諸君子皆與驩言孟子獨不與驩言是簡驩也孟子聞之曰禮朝廷不歷位而相與言不踰階而相揖也我欲行禮子教以我為簡不亦異乎孟子曰君子所以異於人者以其存心也君子以仁存心以禮存心仁者愛人有禮者敬人愛人者人恒愛之敬人者人恒敬之有人於此其待我以橫逆則君子必自反也我必不仁也必無禮也此物

奚宜至哉其自反而仁矣自反而有禮矣其橫逆由是也君子必自反也我必不忠自反而忠矣其橫逆由是也君子曰此亦妄人也已矣如此則與禽獸奚擇哉於禽獸又何難焉是故君子有終身之憂無一朝之患也乃若所憂則有之舜人也我亦人也舜為法於天下可傳於後世我由未免為鄉人也是則可憂也憂之如何如舜而已矣若夫君子所患則亡矣非仁無為也非禮無親也如有一



朝之患則君子不患矣 禹稷當乎世三過  
其門而不入孔子賢之顏子當亂世居陋  
巷一簞食一瓢飲人不堪其憂顏子不改其  
樂孔子賢之孟子曰禹稷顏回同道禹思天  
下有溺者由已溺之也稷思天下有飢者由  
已飢之也是以如是其急也禹稷顏子易地  
則皆然今有同室之人鬪者救之雖披髮纓冠  
而救之可也鄉鄰有鬪者披髮纓冠而往救之  
則惑也雖閉戶可也 公都子曰注章通國皆

稱不孝焉夫子與之遊又從而禮貌之敬問  
何也孟子曰世俗所謂不孝者五惰其四支  
不顧父母之養一不孝也博奕好飲酒不顧  
父母之養二不孝也好貨財私妻子不顧父  
母之養三不孝也從耳目之欲以為父母戮  
辱不孝也好勇鬪狠以危父母五不孝也章  
子有一於是乎夫章子子父責善而不相遇  
也責善朋友之道也父子責善賊恩之大者  
夫章子豈不欲有夫妻子母之屬哉為得罪



於父不得近出妻屏子終身不養焉其設心  
以為不若是是則罪之大者是則童子已矣  
曾子居武城有越寇或曰寇至盍去諸曰  
無寓人於我室毀傷其薪木寇退則曰脩我  
墻屋我將及寇退曾子及左右曰待先生如  
此其忠且敬也寇至則先去以為民望寇退  
則及殆於不可乎沈猶行曰是非汝所知也  
昔沈猶有負芻之禍從先生者七十人未有  
與焉子思居於衛有齊寇或曰寇至盍去諸

子思曰如彼去君誰與守孟子曰曾子子思  
同道曾子師也父兄也子思臣也微也曾子  
子思易地則皆然 儲子曰王使人問夫子  
果有以異於人乎孟子曰何以異於人哉堯  
舜與人同耳 齊人有一妻一妾而處室者  
其良人出則必饜酒肉而後反其妻問所與  
飲食者則盡富貴也其妻告其妾曰良人出  
則必饜酒肉而後反問其與飲食者則盡富  
貴也而未嘗有顯者來吾將問良人之所之也



蚤起施從良人之所之徧國中無與立談者率之東郭墦間之祭者乞其餘不足又顧而之他此其為儉足之道也其妻歸告其妾曰良人者所仰望而終身也今若此與其妾訕其良人而相泣於中庭而良人未之知也施施從外來驕其妻妾由君子觀之則人之所以求富貴利達者其妻妾不羞也而不相泣者幾希矣

孟子卷第八

孟子卷第九

萬章章句上

萬章問曰舜往于田號泣于旻天何為其號泣也孟子曰怨慕也萬章曰父母愛之喜而不忘父母惡之勞而不怨然則舜怨乎曰長息問於公明高曰舜往于田則吾既得聞命矣號泣于旻天于父母則吾不知也公明高曰是非爾所知也夫公明高以孝子之心為不若是怨我竭力耕田共為子職而已矣父



母之不我愛於我何哉帝使其子九男二女百官牛羊倉廩備以事舜於畎畝之中天下之士多就之者帝將昏天下而遷之焉為不順於父母如窮人無所歸天下之士悅之人之所欲也而不足以解憂好色人之所欲妻帝之二女而不足以解憂富人之所欲富有天下而不足以解憂貴人之所欲貴為天子而不足以解憂人悅之好色富貴無足以解憂者惟順於父母可以解憂人少則慕父母

知好色則慕少艾有妻子則慕妻子仕則慕君不得於君則熱中大孝終身慕父母五十而慕者予於大舜見之矣 萬章問曰詩云娶妻如之何女告父母信斯言也宜莫如舜舜之不告而娶何也孟子曰告則不得娶男女居室人之大倫也如告則廢人之大倫以對父母是以不告也 萬章曰舜之不告而娶則吾既得聞命矣帝之妻舜而不告何也曰帝亦知告焉則不得妻也 萬章曰父母



使舜完廩指階瞽瞍焚廩使浚井出從而擗  
之象曰謨蓋都君咸我績牛羊父母倉廩父  
母干戈朕琴朕弧朕二嫂使治朕棲象往入  
舜宮舜在牀琴象曰鬱陶思君甯怵舜曰  
惟茲臣庶汝其于予治不識舜不知象之將  
殺已與曰奚而不知也象憂亦憂象喜亦喜  
曰然則舜偽喜者與曰否昔者有饋生魚於  
鄭子產子產使校人畜之池校人烹之及命  
曰始舍之圉圉焉少則洋洋焉攸然而逝子

產曰得其所欲得其所欲校人出曰孰謂子  
產智予既烹而食之曰得其所欲得其所欲  
故君子可欺以其方難罔以非其道彼以愛  
兄之道來故誠信而喜之奚偽焉 萬章問  
曰象日以殺舜為事立為天子則放之何也  
孟子曰封之也或曰放焉萬章曰舜流共工  
于幽州放驩兜于崇山殺三苗于三危殛鯀  
于羽山四罪而天下咸服誅不仁也象至不  
仁封之有裨有裨之人奚罪焉仁人固如是



乎在他人則誅之在弟則封之曰仁人之於  
弟也不藏怒焉不宿怨焉親愛之而已矣親  
之欲其貴也愛之欲其富也封之有瘳富貴  
之也身為天子弟為匹夫可謂親愛之乎敢  
問或曰效者何謂也曰象不得有為於其國  
天子使吏治其國而納其貢稅焉故謂之效  
豈得暴彼民於雖然欲常常而見之故源源  
而未不及貢以政接于有瘳此之謂也 咸  
丘蒙問語云盛德之士君不得而臣父不得

而子舜南面而立堯帥諸侯北面而朝之  
瞽瞍亦北面而朝之舜見瞽瞍其容有愠  
孔子曰於斯時也天下殆於岌岌乎不識  
此語誠然乎哉孟子曰否此非君子之言  
齊東野人之語也堯老而舜攝也堯典曰  
二十有八載放劓乃徂落百姓如喪考妣  
三年四海遏密八音孔子曰天無二日民  
無二王舜既為天子矣又帥天下諸侯以  
為堯三年喪是二天子矣 咸丘蒙曰舜之



不臣堯則吾既得聞命矣詩云普天之下莫  
非王土率土之濱莫非王臣而舜既為天子  
矣敢問瞽瞍之非臣如何曰是詩也非是之  
謂也勞於王事而不得養父母也曰此莫非  
王事我獨賢勞也故詠詩者不以文害辭不  
以辭害志以意逆志是為得之如以辭而已  
矣雲漢之詩曰周餘黎民靡有子遺信斯言  
也是周無餘民也孝子之至莫大乎尊親尊  
親之至莫大乎以天下養為天子父尊之至

也以天下養養之至也詩曰永言孝思孝思  
維則此之謂也書曰祗載見瞽瞍夔夔齊栗  
瞽瞍亦允若是為父不得而子也 萬章曰  
堯以天下與舜有諸孟子曰否天子不能以  
天下與人然則舜有天下也孰與之曰天與  
之天與之者諄諄然命之乎曰否天不言以  
行與事示之而已矣曰以行與事示之者如  
之何曰天子能薦人於天不能使天與之天  
下諸侯能薦人於天子不能使天子與之諸



侯大夫能薦人於諸侯不能使諸侯與之大夫昔者堯薦舜於天而天受之暴之於民而民受之故曰天不言以行與事示之而已矣曰敕問薦之於天而天受之暴之於民而民受之如何曰使之主祭而百神享之是天受之也使之主事而事治百姓安之是民受之也天與之人與之故曰天子不能以天下與人舜相堯二十有八載非人之所能為也天也堯崩三年之喪畢舜避堯之子於南河之

南天下諸侯朝覲者不之堯之子而之舜諺曰禘者不之堯之子而之舜謳歌者不謳歌堯之子而謳歌舜故曰天也夫然後之中國踐天子位焉而居堯之宮逼堯之子是篡也非天與也大誓曰天視自我民視天聽自我民聽此之謂也萬章問曰人有言至於禹而德衰不傳於賢而傳於子有諸孟子曰否不然也天與賢則與賢天與子則與子昔者舜薦禹於天十有七年舜崩三年之喪畢禹避



舜之子於陽城天下之民從之若堯崩之後  
不從堯之子而從舜也禹薦益於天七年禹  
崩三年之喪畢益避禹之子於箕山之陰朝  
覲訪獄者不之益而之啓曰吾君之子也謳  
歌者不謳歌益而謳歌啓曰吾君之子也丹  
朱之不肖舜之子亦不肖舜之相堯禹之相  
舜也歷年多施澤於民久啓賢能敬承繼禹  
之道益之相禹也歷年少施澤於民未久舜  
禹益相去久遠其子之賢不肖皆天也非人

之所能為也莫之為而為者天也莫之致而  
至者命也匹夫而有天下者德必若舜禹而  
又有天子薦之者故仲尼不有天下繼世以  
有天下天之所廢也若桀紂者也故益伊尹  
周公不有天下伊尹相湯以王於天下湯崩  
大丁未立外丙二年仲壬四年太甲顛覆湯  
之典刑伊尹放之於桐三年太甲悔過自怨  
自艾於桐處仁遷義三年以聽伊尹之訓已  
也復歸于亳周公之不有天下猶益之於夏



伊尹之於殷也孔子曰唐虞禪夏后殷周繼  
其義一也 萬章問曰人有言伊尹以割烹  
要湯有諸孟子曰否不然伊尹耕於有莘之  
野而樂堯舜之道焉非其義也非其道也祿  
之以天下弗顧也繫馬于馯弗視也非其義  
也非其道也一介不以與人一介不以取諸  
人湯使人以幣聘之囂囂然曰我何以湯之  
聘幣為哉我豈若處畎畝之中由是以樂堯  
舜之道哉湯三使往聘之既而幡然改曰與

我處畎畝之中由是以樂堯舜之道吾豈若  
使是君為堯舜之君哉吾豈若使是民為堯  
舜之民哉吾豈若於吾身親見之哉天之生  
此民也使先知覺後知使先覺覺後覺也予  
天民之先覺者也予將以斯道覺斯民也非  
予覺之而誰也思天下之民匹夫匹婦有不  
與被堯舜之澤者若已推而內之溝中其自  
任以天下之重如此故就湯而說之以伐夏  
救民吾未聞枉己而正人者也况辱己以正



天下者守聖人之行不同也或遠或近或去或不去歸潔其身而已矣吾聞其以堯舜之道要湯未聞以割烹也伊訓曰天誅造攻自牧官朕載自亳萬章問曰或謂孔子於衛主癰疽於齊主侍人瘠環有諸乎孟子曰否不然也好事者為之也於衛主顏雝由彌子之妻與子路之妻兄弟也彌子謂子路曰孔子主我衛卿可得也子路以告孔子曰有命孔子進以禮退以義得之不得曰有命而主

癰疽與侍人瘠環是無義無命也孔子不悅於魯衛遭宋桓司馬將要而殺之微服而過宋是時孔子當厄主司城貞子為陳侯周臣吾聞觀近臣以其所為主觀遠臣以其所主若孔子主癰疽與侍人瘠環何以為孔子萬章問曰或曰百里奚自鬻於秦養姓者五羊之皮食牛以要秦繆公信乎孟子曰否不然好事者為之也百里奚虞人也晉人以垂棘之璧與屈產之乘假道於虞以伐魏晉之奇



諫百里奚不諫知虞公之不可諫而去之秦  
年已七十矣曾不知以食牛于秦繆公之為  
汙也可謂智乎不可諫而不諫可謂不智乎  
知虞公之將亡而先去之不可謂不智也時  
舉於秦知繆公之可與有行也而相之可謂  
不智乎相秦而顯其君於天下可傳於後世  
不賢而能之乎自瑯甫以成其君鄉黨自好者  
不為而謂賢者為之乎

孟子卷第九

孟子卷第十

萬章章句下

孟子曰伯夷目不視惡色耳不聽惡聲非其  
君不事非其民不使治則進亂則退橫政之  
所出橫民之所止不忍居也思與鄉人處如  
以朝衣朝冠坐於塗炭也當紂之時居北海  
之濱以待天下之清也故聞伯夷之風者頑  
夫廉懦夫有立志伊尹曰何事非君何使非  
民治亦進亂亦進曰天之生斯民也使先知



覺後知使先覺覺後覺予天民之先覺者也  
予將以此道覺此民也思天下之民匹夫匹  
婦有不與被堯舜之澤者如已推而內之溝  
中其自任以天下之重也柳下惠不羞汙君  
不辭小官進不隱賢必以其道遺佚而不怨  
阨窮而不憫與鄉人處由由然不忍去也甬  
為甬我考我雖袒裼裸裎於我側甬焉能洗  
我哉故聞柳下惠之風者鄙夫寬薄夫敦孔  
子之去齊接淅而行去魯曰遲遲吾行也去

父母國之道也可以速而速可以久而久可  
以處而處可以仕而仕孔子也孟子曰伯夷  
聖之清者也伊尹聖之任者也柳下惠聖之  
和者也孔子聖之時者也孔子之謂集大成  
集大成也者金聲而玉振之也金聲也者始  
條理也玉振之也者終條理也始條理者智  
之事也終條理者聖之事也智譬則巧也聖  
譬則力也由射於百步之外也其至甬力也  
其中非甬力也 北宮錡問曰周室班爵祿



也如之何孟子曰其詳不可得聞也諸侯惡其害已也而皆去其籍然而軻也膏聞其略也天子一位公一位侯一位伯一位子男同一位凡五等也君一位卿一位大夫一位上士一位中士一位下士一位凡六等天子之制地方千里公侯皆方百里伯七十里子男五十里凡四等不能五十里不達於天子附於諸侯曰附庸天子之卿受地視侯大夫受地視伯元士受地視子男大國地方百里君

十卿祿卿祿四大夫大夫倍上士上士倍中士中士倍下士下士與庶人在官者同祿祿足以代其耕也次國地方七十里君十卿祿卿祿三大夫大夫倍上士上士倍中士中士倍下士下士與庶人在官者同祿祿足以代其耕也小國地方五十里君十卿祿卿祿二大夫大夫倍上士上士倍中士中士倍下士下士與庶人在官者同祿祿足以代其耕也耕者之所獲一夫百畝百畝之糞上農夫食



九人上次食八人中食七人中次食六人下  
食五人庶人在官者其祿以是為差 萬章  
問曰敢問友孟子曰不挾長不挾貴不挾兄  
弟而友友也者友其德也不可以有挾也孟  
獻子百乘之家也有友五人焉樂正裘牧仲  
其三人則子忘之矣獻子之與此五人者友  
也無獻子之家者也此五人者亦有獻子之  
家則不與之友矣非惟百乘之家為然也雖  
小國之君亦有之費惠公曰吾於子思則師

之矣吾於顏般則友之矣王順長息則事我  
者也非惟小國之君為然也雖大國之君亦  
有之晉平公之於亥唐也入云則入坐云則  
坐食云則食雖蔬食菜羹未嘗不飽蓋不敢  
不飽也然終於此而已矣弗與共天位也弗  
與治天職也弗與食天祿也士之尊賢者也  
非王公之尊賢也舜尚見帝帝館甥于貳室  
亦饗舜迭為賓主是天子而友匹夫也用下  
敬上謂之貴貴用上敬下謂之尊賢貴貴尊



賢其義一也 萬章問曰敢問交際何心也  
孟子曰恭也曰卻之卻之為不恭何哉曰尊  
者賜之曰其所取者義乎不義乎而後受之  
以是為不恭故弗卻也曰請無以辭卻之以  
心卻之曰其取諸民之不義也而以他辭無  
受不可乎曰其交也以道其接也以禮斯孔  
子受之矣萬章曰今有禦人於國門之外者  
其交也以道其餽也以禮斯可受禦與曰不  
可康誥曰殺越人于貨慾不畏死凡民罔不

讒是不待教而誅者也殷受夏周受殷所不  
辭也於今為烈如之何其受之曰今之諸侯  
取之於民也猶禦也苟善其禮際矣斯君子  
受之敢問何說也曰子以為有王者作將比  
今之諸侯而誅之乎其教之不改而後誅  
之乎夫謂非其有而取之者盜也充類至義  
之盡也孔子之仕於魯也魯人獵較孔子亦  
獵較獵較猶可而况受其賜乎曰然則孔子  
之仕也非事道與曰事道也事道奚獵較也



曰孔子先簿正祭器不以四方之食供簿正  
曰奚不去也曰為之兆也兆足以行矣而不  
行而後去是以未嘗有所終三年淹也孔子  
有見行可之仕有際可之仕有公養之仕於  
季桓子見行可之仕也於衛靈公際可之仕  
也於衛孝公公養之仕也 孟子曰仕非為  
貧也而有時乎為貧娶妻非為養也而有時  
乎為養為貧者辭尊居卑辭富居貧辭尊居  
卑辭富居貧惡乎宜乎抱關擊柝孔子嘗為

委吏矣曰會計當而已矣嘗為乘田矣曰牛  
羊茁壯長而已矣位卑而言高罪也立乎人  
之本朝而道不行恥也 萬章曰士之不託  
諸侯何也孟子曰不敢也諸侯失國而後託於  
諸侯禮也士之託於諸侯非禮也萬章曰君  
餽之粟則受之乎曰受之受之何義也曰君  
之於氓也固周之曰周之則受賜之則不受  
何也曰不敢也曰敢問其不敢何也曰抱關  
擊柝者皆有常職以食於上無常職而賜於



上者以爲不恭也曰君餽之則受之不識可  
常繼乎曰繆公之於子思也亟問亟餽鼎肉  
子思不悅於季也標使者出諸大門之外北  
面稽首再拜而不受曰今而後知君之大馬  
畜伋蓋自是臺無餽也悅賢不能舉又不能  
養也可謂悅賢乎曰敢問國君欲養君子如  
何斯可謂養矣曰以君命將之再拜稽首而  
受其後廩人繼粟庖人繼肉不以君命將之  
子思以爲鼎肉使已僕僕爾亟拜也非養君

子之道也老之於舜也使其子九男事之二  
女女焉百官牛羊倉廩備以養舜於畎畝之  
中後舉而加諸上位故曰王公之尊賢者也  
萬章曰敢問不見諸侯何義也孟子曰在  
國曰市井之臣在野曰草莽之臣皆謂庶人  
庶人不傳質爲臣不敢見於諸侯禮也萬章  
曰庶人召之役則往役君欲見之召之則不  
往見之何也曰往役義也往見不義也且君  
之欲見之也何爲也哉曰爲其多聞也爲其



賢也曰為其多聞也則天子不召師而况諸侯乎為其賢也則吾未聞欲見賢而召之也繆公巫見於子思曰古千乘之國以友士何如子思不悅曰古之人有言曰事之云乎豈曰友之云乎子思之不悅也豈不曰以位則子君也我臣也何敢與君友也以德則子事我者也奚可以與我友千乘之君求與之友而不可得也而况可召與齊景公田招虞人以旌不至將殺之志士不忘在溝壑勇士不

忘喪其元孔子奚取焉取非其招不往也曰敢問招虞人何以曰以皮冠廢人以旃士以旂大夫以旌以大夫之招招虞人虞人死不敵往以士之招招廢人廢人豈敢往哉况乎以不賢人之招招賢人乎欲見賢人而不以其道猶欲其入而閉之門也夫義路也禮門也唯君子能由是路出入是門也詩云周道如底其直如矢君子所履小人所視萬章曰孔子君命召不俟駕而行然則孔子非與曰



孔子當仕有官職而以其官召之也 孟子  
謂萬章曰一鄉之善士斯友一鄉之善士一  
國之善士斯友一國之善士天下之善士斯  
友天下之善士以友天下之善士為未足又  
尚論古之人頌其詩讀其書不知其人可乎  
是以論其世也是尚友也 齊宣王問卿孟  
子曰王何卿之問也王曰卿不同乎曰不同  
有貴戚之卿有異姓之卿王曰請問貴戚之  
卿曰君有大過則諫反覆之而不聽則易位

王勃然變乎色曰王勿異也王問臣臣不敢  
不以正對王色定然後請問異姓之卿曰君  
有過則諫反覆之而不聽則去

孟子卷第十



孟子卷第十一

告子章句上

告子曰性猶杞柳也義猶柎棗也以人性為仁義猶以杞柳為柎棗也孟子曰子能順杞柳之性而以為柎棗乎將戕賊杞柳而後以為柎棗也如將戕賊杞柳而以為柎棗則亦將戕賊人以為仁義與率天下之人而禍仁義者女子之言夫告子曰性猶湍水也決諸東方則東流決諸西方則西流人性之無



分於善不善也猶水之無分於東西也孟子  
曰水信無分於東西無分於上下乎人性之  
善也猶水之就下也人無有不善水無有不  
下今夫水搏而躍之可使過頽激而行之可  
使在山是豈水之性哉其勢則然也人之可  
使為不善其性亦猶是也 告子曰生之謂  
性孟子曰生之謂性也猶白之謂白與曰然  
白羽之白也猶白雪之白白雪之白猶白玉  
之白與曰然則犬之性猶牛之性牛之性

猶人之性與 告子曰食色性也仁內也非  
外也義外也非內也孟子曰何以謂仁內義  
外也曰彼長而我長之非有長於我也猶彼  
白而我白之從其白於外也故謂之外也曰  
異於白馬之白也無以異於白人之白也不  
識長馬之長也無以異於長人之長與且謂  
長者義字長之者義字曰吾弟則愛之秦人  
之弟則不愛也是以我為悅者也故謂之內  
長楚人之長亦長吾之長是以長為悅者也



故謂之外也曰嗜秦人之炙無以異於嗜吾  
炙夫物則亦有然者也然則耆炙亦有外與  
孟子問公都子曰何以謂義內也曰行  
吾敬故謂之內也鄉人長於伯兄一歲則誰  
敬曰敬兄酌則誰先曰先酌鄉人所敬在此  
所長在彼果在外非由內也公都子不能答  
以告孟子孟子曰敬叔父乎敬弟乎彼將曰  
敬叔父曰弟多尸則誰敬彼將曰敬弟子曰  
惡在其敬叔父也彼將曰在位故也子曰亦曰

在位故也庸敬在兄斯須之敬在鄉人季子  
聞之曰敬叔父則敬敬弟則敬果在外非由  
內也公都子曰冬日則飲湯夏日則飲水然則  
飲食亦在外也公都子曰告子曰性無善  
無不善也或曰性可以為善可以為不善是  
故文武興則民好善商厲興則民好暴或曰  
有性善有性不善是故以堯為君而有象以  
瞽瞍為父而有舜以紂為兄之子且以君  
而有微子啓王子比干今日性善然則彼皆



非與孟子曰乃若其情則可以為善矣乃所謂善也若夫為不善非才之罪也惻隱之心人皆有之羞惡之心人皆有之恭敬之心人皆有之是非之心人皆有之惻隱之心仁也羞惡之心義也恭敬之心禮也是非之心智也仁義禮智非由外鑠我也我固有之也弗思耳矣故曰求則得之舍則失之或相倍蓰而無美者不能盡其才者也詩曰天生丞民有物有則民之秉彜好是懿德孔子曰為此

詩者其知道乎故有物必有則民之秉彜也故好是懿德 孟子曰富歲子弟多穎凶歲子弟多暴非天之降才爾殊也其所以而溺其心者然也今夫藎麥播種而耨之其地同樹之時又同溼然而生至於日至之時皆熟矣雖有不同則地有肥磽雨露之養人事之不齊也故凡同類者舉相似也何獨至於人而穀之聖人與我同類者故龍子曰不知足而為屨我知其不為黃也屨之相似天下之



足同也口之於味也有同嗜也易牙先得我  
口之所嗜者也如使口之於味也其性與人  
殊若犬馬之與我不同類也則天下何者皆  
從易牙之於味也至於味天下期於易牙是  
天下之口相似也惟耳亦然至於聲天下期  
於師曠是天下之耳相似也惟目亦然至於  
子都天下莫不知其姣也不知子都之姣者  
無目者也故曰口之於味也有同嗜焉耳之  
於聲也有同聽焉目之於色也有同美焉至於

心獨無所同然乎心之所同然者何也謂理  
也義也聖人先得我心之所同然耳故理義  
之悅我心猶芻豢之悅我口 孟子曰牛山  
之木嘗美矣以其郊於大國也斧斤伐之可  
以爲美乎是其日夜之所息雨露之所潤非  
無萌蘖之生焉牛羊又從而牧之是以若彼  
濯濯也人見其濯濯也以爲未嘗有材焉此  
豈山之性也哉雖存乎人者豈無仁義之心  
哉其所以放其良心者亦猶斧斤之於木也



旦旦而伐之可以為美乎其日夜之所息乎  
旦之氣其好惡與人相近也者幾希則其旦  
晝之所為有枯亡之矣枯之及覆則其夜氣  
不足以存夜氣不足以存則其遺禽獸不遠  
矣人見其禽獸也而以為未嘗有才焉者是  
豈人之情也哉故苟得其養無物不長苟失  
其養無物不消孔子曰操則存舍則亡出入  
無時莫知其鄉惟心之謂與 孟子曰無  
惑乎王之不智也雖有天下易生之物也一

日暴之十日寒之未有能生者也吾見亦罕  
矣吾退而寒之者至矣吾如有萌焉何哉今  
夫齊之為數小數也不專心致志則不得也  
弈秋通國之善弈者也使弈秋誨二人齊其  
一人專心致志惟弈秋之為聽一人雖聽之  
一心以為有鴻鵠將至思援弓繳而射之雖  
與之俱學弗若之矣為是其智弗若與曰非  
然也 孟子曰魚我所欲也熊掌亦我所欲  
也二者不可得兼舍魚而取熊掌者也生亦



我所欲也義亦我所欲也二者不可得兼舍  
生而取義者也生亦我所欲所欲有甚於生  
者故不為苟得也死亦我所欲所惡有甚於  
死者故惡有所不辟也如使人之所欲莫甚  
於生則凡可以得生者何不用也使人之所  
惡莫甚於死者則凡可以辟惡者何不為也  
由是則生而有不用也由是則可以辟惡而  
有不為也是故所欲有甚於生者所惡有甚  
於死者非獨賢者有是心也人皆有之賢者

能勿喪耳一簞食一豆羹得之則生弗得則  
死噲爾而與之行道之人弗受蹴爾而與之  
乞人弗屑也萬鍾則不辨禮義而受之萬鍾  
於我何加焉為宮室之美妻妾之奉所識窮  
乏者得我與鄉為身死而弗受今為宮室之  
美者之鄉為身死而弗受今為妻妾之奉者  
之鄉為身死而弗受今為所識窮乏者得我  
而為之是亦不可以已乎此之謂失其本心  
孟子曰仁人心也義人路也舍其路而弗



由致其心而不知求哀哉人有雞犬效則知  
求之有放心而不知求學問之道無他求其  
放心而已矣 孟子曰今有無名之指屈而  
不信非疾痛害事也如有能信之者則不遠  
秦楚之路為指之不若人也指不若人則知  
惡之心不若人則不知惡此之謂不知類也  
孟子曰拱把之桐梓人苟欲生之皆知所  
以養之者至於身而不知所以養之者豈愛  
身不若桐梓哉非思甚也 孟子曰人之於

身也並所受無所受則並所養也無尺寸之  
膚不愛焉則無尺寸之膚不養也所以考其  
善不善者豈有他哉於已取之而已矣體有  
貴賤有小大無以小害大無以賤害貴養其  
小者為小人養其大者為大人今有場師舍  
其櫛櫛養其櫛棘則為賤場師焉養其一指  
而失其肩背而不知也則為狼戾人也飲食  
之人則人賤之矣為其養小以失大也飲食  
之人無有失也則口腹豈適為尺寸之膚哉



公都子問曰鈞是人也或為大人或為小人何也孟子曰從其大體為大人從其小體為小人曰鈞是人也或從其大體或從其小體何也曰耳目之官不思而蔽於物物交物則引之而已矣心之官則思思則得之不思則不得也此天之所與我者先立乎其大者則其小者弗能奪也此為大人而已矣 孟子曰有天爵者有人爵者仁義忠信樂善不倦此天爵也公都大夫此人爵也古之人修

其天爵而人爵從之今之人修其天爵以要人爵既得人爵而弃其天爵則惑之甚者也終亦必亡而已矣 孟子曰欲貴者人之同心也人人有貴於己者弗思耳人之所貴者非良貴也趙孟之所貴趙孟能賤之詩云既醉以酒既飽以德言飽乎仁義也所以不願人之膏粱之味也令聞廣譽施於身所以不願人之文繡也 孟子曰仁之勝不仁也猶水勝火今之為仁者猶以一杯水救一車薪



之火也不熄則謂之水不勝火此又與於不  
仁之甚者也亦終必亡而已矣 孟子曰五  
穀者種之美者也苟不熟不如糞釋夫仁  
亦在乎熟之而已矣 孟子曰羿之教人射  
必志於鵠學者亦必志於鵠大匠誨人必以  
規矩學者亦必以規矩

孟子卷第一

孟子卷第二

告子章句下

任人有問屋廬子曰禮與食孰重曰禮重色  
與禮孰重曰禮重曰以禮食則饑而死不以  
禮食則得食必以禮乎親迎則不得妻不親  
迎則得妻必親迎乎屋廬子不能對明日之  
鄒以告孟子曰於答是也何有不揣其  
本而齊其末方寸之木可使高於岑樓金重  
於羽者豈謂一鈞金與一輿羽之謂哉取食



之重者與禮之輕者而比之奚翅食重取色  
之重者與禮之輕者而比之奚翅色重往應  
之曰終况之臂而奪之食則得食不終則不  
得食則將終之字踰東家墻而樓其處子則  
得妻不樓則不得妻則將樓之字 曹交問  
曰人皆可以為堯舜有諸孟子曰然交聞文  
王十尺湯九尺今交九尺四寸以長食粟而  
已如何則可曰奚有於是亦為之而已矣有  
人於此力不能勝一匹雛則為無力人矣今

曰舉百鈞則為有力人矣然則舉烏獲之任  
是亦為烏獲而已矣夫人豈以不勝為患哉  
弗為耳徐行後長者謂之弟疾行先長者謂  
之不弟夫徐行者豈人所不能哉所不為也  
堯舜之道孝弟而已矣子服堯之服誦堯之  
言行堯之行是堯而已矣子服桀之服誦桀之  
言行桀之行是桀而已矣曰交得見於鄒  
君可以假館願留而受業於門曰夫道若大  
路然豈難知哉人病不求耳子歸而求之有



餘師 公孫丑問曰高子曰小弁小人之詩也孟子曰何以言之曰怨曰固哉高叟之為詩也有人於此越人閔弓而射之則已談笑而道之無他疏之也其兄閔弓而射之則已垂涕泣而道之無他戚之也小弁之怨親親也親親仁也固矣夫高叟之為詩也曰凱風何以不怨曰凱風親之過小者也小弁親之過大者也親之過大而不怨是愈疏也親之過小而怨是愈疏也愈疏不孝也不可磯

亦不孝也孔子曰舜其至孝矣五十而慕宋牼將之楚孟子遇於石丘曰先生將何之曰吾聞秦楚構兵我將見楚王說而罷之楚王不悅我將見秦王說而罷之二王我將有所遇焉曰軻也請無問其詳願聞其指說之將如何曰我將言其不利也曰先生之志則大矣先生之說則不可先生以利說秦楚之王秦楚之王悅於利以罷三軍之師是三軍之士樂罷而悅於利也為人臣者懷利以事



其君為人子者懷利以事其父為人弟者懷利以事其兄是君臣父子兄弟終去仁義懷利以相接然而不亡者未之有也先生以仁義說秦楚之王秦楚之王悅於仁義而罷三軍之師是三軍之士樂罷而悅於仁義也為人臣者懷仁義以事其君為人子者懷仁義以事其父為人弟者懷仁義以事其兄是君臣父子兄弟去利懷仁義以相接也然而不王者未之有也何也曰利 孟子居鄒季任

為任處守以幣交受之而不報處於平陸儲子為相以幣交受之而不報他日由鄒之任見季子由平陸之齊不見儲子屋廬子曰喜曰連得聞矣問曰夫子之任見季子之齊不見儲子為其為相與曰非也書曰享多儀儀不及物曰不享惟不殺志于享為其不成享也屋廬子悅或問之屋廬子曰季子不得之鄒儲子得之平陸 淳于髡曰先名實者為人也後名實者自為也夫子在三卿之中名實



未加於上下而去之仁者固如此乎孟子曰  
居下位不以賢事不肖者伯夷也五就湯五  
就桀者伊尹也不惡汙君不辭小官者柳下  
惠也三子者不同道其趨一也一者何也曰  
仁也君子亦仁而已矣何女同曰魯繆公之  
時公儀子為政子柳子思為臣魯之削也滋  
甚若是乎賢者之無益於國也曰虞不用百  
里奚而亡秦穆公用之而霸不用賢則亡削  
何可得與曰昔者王豹處於淇而河西善謳

綿駒處於高唐而齊右善歌華周杞梁之妻  
善哭其夫而愛國俗有諸內女形諸外為其  
事而無其功者駘未嘗覩之也是故無賢者  
也有則駘女識之曰孔子為魯司寇不用從  
而祭燔肉不至不稅冕而行不知者以為為  
肉也其知者以為為無禮也乃孔子則欲以  
微罪行不欲為苟去君子之所為衆人固不  
識也 孟子曰五霸者三王之罪人也今之  
諸侯五霸之罪人也今之大夫今之諸侯之



罪人也天子適諸侯曰巡狩諸侯朝於天子  
曰述職春省耕而補不足秋省斂而助不給  
入其疆土地辟田野治養老尊賢俊傑在位  
則有慶慶以地入其疆土地荒蕪遺老失賢  
捨克在位則有讓一不朝則貶其爵再不朝  
則削其地三不朝則六師移之是故天子討  
而不伐諸侯伐而不討五霸者棲諸侯以伐  
諸侯者也故曰五霸者三王之罪人也五霸  
桓公為盛於五之會諸侯束牲載書而不歃

血初命曰誅不孝無易樹子無以妾為妻再  
命曰尊賢育才以彙有德三命曰敬老慈幼  
無忘賓旅四命曰士無世官宦事無攝取士  
必得無專殺大夫五命曰無曲巧無過糴無  
有封而不告曰凡我同盟之人既盟之後言  
歸于好今之諸侯皆犯此五禁故曰今之諸  
侯五霸之罪人也長君之惡其罪小逢君之  
惡其罪大今之大夫皆逢君之惡故曰今之  
大夫今之諸侯之罪人也 魯欲使慎子為



將軍孟子曰不教民而用之謂之殃民殃民者不容於堯舜之世一戰勝齊遂有南陽然且不可慎子勃然不悅曰此則滑釐所不識也曰吾明告子天子之地方千里不千里不足以待諸侯諸侯之地方百里不百里不足以守宗廟之典籍周公之封於魯為方百里也地非不足而儉於百里太公之封於齊也亦為方百里也地非不足也而儉於百里今魯方百里者五子以為有王者作則魯在所

損乎在所益乎徒取諸彼以與此然且仁者不為况於殺人以求之乎君子之事君也務列其君以當道志於仁而已 孟子曰今之事君者曰我能為君辟土地充府庫今之所謂良臣古之所謂民賊也君不鄉道不志於仁而求富之是富桀也我能為君約與國戰必克今之所謂良臣古之所謂民賊也君不鄉道不志於仁而求為之強戰是輔桀也由今之道無變今之俗雖與之天下不能一朝



居也 白圭曰吾欲二十而取一何如孟子  
曰子之道貉道也萬室之國一人陶則可乎  
曰不可器不足用也曰夫貉五穀不生惟黍  
生之無城郭宮室宗廟祭祀之禮無諸侯幣  
帛饗飧養無百官有司故二十取一而足也今  
居中國去人倫無君子如之何其可陶以寡  
且不可以為國况無君子乎欲輕之於堯舜  
之道者大貉小貉也欲重之於堯舜之道者  
大桀小桀也 白圭曰丹之治水也愈於禹

孟子曰子過矣禹之治水水之道也是故禹  
以四海為壑今吾子以鄰國為壑水逆行謂  
之洚水洚水者洪水也仁人之所惡也吾子  
過矣 孟子曰君子不亮惡乎執 魯欲使  
樂正子為政孟子曰吾聞之喜而不寐公孫  
丑曰樂正子強乎曰否有知憲子曰否多聞  
識子曰否然則奚考喜而不寐曰其為人也好  
善好善是子曰好善優於天下而况魯國乎夫  
苟好善則四海之內皆將輕千里而來告之



以善夫為不好善則人將曰訑訑予既已知之矣訑訑之聲音顏色距人於千里之外士止於千里之外則讒論面諛之人至矣與讒論面諛之人居國欲治可得乎 陳子曰古之君子何如則仕孟子曰所就三所去三迎之致敬以有禮言將行其言也則就之禮貌未衰言弗行也則去之其次雖未行其言也迎之致敬以有禮則就之禮貌衰則去之其下朝不食夕不食飢餓不能出門戶君聞之曰吾

大者不能行其道又不能從其言也使飢餓於我土地吾恥之周之亦可受也免死而已矣 孟子曰舜發於畎畝之中傳說舉於版築之間膠鬲舉於魚鹽之中管夷吾舉於士孫叔敖舉於海百里奚舉於市故天將降大任於是人也必先苦其心志勞其筋骨餓其體膚空乏其身行拂亂其所為所以動心忍性增益其所不能人恒過然後能改困於心衡於慮而後作徵於色發於聲而後喻入則



無法家拂士出則無敵國外患者國恒亡然  
後知生於憂患而死於安樂也 孟子曰教  
亦多術矣予不屑之教誨也者是亦教誨之  
而已矣

孟子卷第十二

孟子卷第十三

盡心章句上

孟子曰盡其心者知其性也知其性則知天  
矣存其心養其性所以事天也夭壽不貳修  
身以俟之所以立命也 孟子曰莫非命也  
順受其正是故知命者不立乎岩墻之下盡  
其道而死者正命也桎梏死者非正命也  
孟子曰求則得之舍則失之是求有益於得  
也求在我者也求之有道得之有命是求無



益於得也求在外者也 孟子曰萬物皆備  
於我矣反身而誠樂莫大焉強恕而行求仁  
莫近焉 孟子曰行之而不著焉習矣而不  
察焉終身由之而不知其道者衆也 孟子  
曰人不可以無恥無恥之恥無恥矣 孟子  
曰恥之於人大矣為機變之巧者無所用恥  
焉不恥不若人何若人有 孟子曰古之  
賢王好賢而忘勢古之賢士何獨不然樂其  
道而忘人之勢故王公不致敬盡禮則不得

亟見之見且由不得亟而况得而臣之手  
孟子謂宋句踐曰子好遊乎吾語子遊人知  
之亦囂囂人不知亦囂囂曰何如斯可以囂  
囂矣曰尊德樂義則可以囂囂矣故士窮不  
失義達不離道窮不失義故士得已焉達不  
離道故民不失望焉古之人得志澤加於民  
不得志修身見於世窮則獨善其身達則兼  
善天下 孟子曰待文王而後興者凡民也  
若夫豪傑之士雖無文王猶興 孟子曰附



之以韓魏之家如其自視然則過人遠矣  
孟子曰以佚道使民雖勞不怨以生道殺  
民雖死不怨殺者 孟子曰霸者之民驩虞  
如也王者之民皞皞如也殺之而不怨利之  
而不庸民日遷善而不知為之者夫君子所  
過者化所存者神上下與天地同流豈曰小  
補之哉 孟子曰仁言不如仁聲之入人深  
也善政不如善教之得民也善政民畏之善  
教民愛之善政得民財善教得民心 孟子

曰人之所不學而能者其良能也所不慮而  
知者其良知也孩提之童無不知愛其親也  
及其長也無不知敬其長也親親仁也敬長  
義也無他達之天下也 孟子曰舜之居深  
山之中與木石居與鹿豕遊其所以異於深  
山之野人者幾希及其聞一善言見一善行  
若決江河沛然莫之能禦也 孟子曰無為  
其所不為無欲其所不欲如此而已矣 孟  
子曰人之有德慧術知者恒存乎疾疢獨孤



臣孽子其操心也危其慮患也深故達 孟  
子曰有事君人者事是君則為容悅者也有  
安社稷臣者以安社稷為悅者也 有天民者  
達可行於天下而後行之者也有大人者正  
己而物正者也 孟子曰君子有三樂而王  
天下不與存焉父母俱存兄弟無故一樂也  
仰不愧於天俯不怍於人二樂也得天下英  
才而教育之三樂也君子有三樂而王天下  
不與存焉 孟子曰廣土衆民君子欲之兩

樂不存焉中天下而立定四海之民君子樂  
之所性不存焉君子所性雖大行不加焉雖  
窮居不損焉分定故也君子所性仁義禮智  
根於心其生色也晬然見於面盎於背施於  
四體四體不言而喻 孟子曰伯夷辟紂居  
北海之濱聞文王作興曰盍歸乎來吾聞西  
伯善養老者大公辟紂居東海之濱聞文王  
作興曰盍歸乎來吾聞西伯善養老者天下  
有善養老則仁人以為己歸矣五畝之宅樹



牆下以桑匹婦蠶之則老者足以衣帛矣五  
母雞二母彘無失其時老者足以無失肉矣  
百畝之田匹夫耕之八口之家足以無飢矣  
所謂西伯善養老者制其田里教之樹畜導  
其妻子使養其老五十非帛不煖七十非肉  
不能不煖不能謂之凍餒文王之民無凍餒  
之老者此之謂也 孟子曰易其田疇薄其  
稅斂民可使富也食之以時用之以禮財不  
可勝用也民非水火不生活昏暮叩人之門

戶求水火無弗與者至是矣聖人活天下使  
有菽粟如水火菽粟如水火而民焉有不仁  
者乎 孟子曰孔子登東山而小魯登太山  
而小天下故觀於海者難為水遊於聖人之  
門者難為言觀水有術必觀其瀾日月有明  
容光必照焉流水之為物也不盈科不行君  
子之志於道也不成章不達 孟子曰鷄鳴  
而起孳孳為善者舜之徒也鷄鳴而起孳孳  
為利者跖之徒也欲知舜與跖之分無他利



與善之間也 孟子曰楊子取為我拔一毛而利天下不為也墨子兼愛摩頂放踵利天下為之子莫執中執中者近之執中無權猶執一也所惡執一者為其賊道也舉一而廢百也 孟子曰飢者甘食渴者甘飲是未得飲食之正也飢渴害之也豈惟口腹有飢渴之害人心亦皆有害人能無以飢渴之害為心害則不及人不為憂矣 孟子曰柳下惠不以三公易其介 孟子曰有為者辟若掘

井掘井九仞而不及泉猶為弃井也 孟子曰堯舜性之也湯武身之也五霸假之也久假而不歸惡知其非有也 公孫丑曰伊尹曰予不狎于不順放太甲于桐民大悅太甲賢又反之民大悅賢者之為人臣也其君不賢則固可致與孟子曰有伊尹之志則可無伊尹之志則篡也 公孫丑曰詩曰不素餐兮君子之不耕而食何也孟子曰君子居是國也其君用之則安富尊榮其子弟從之則



孝悌忠信不素餐者孰大於是 王子墊問  
曰士何事孟子曰尚志曰何謂尚志曰仁義  
而已矣殺一無罪非仁也非其有而取之非  
義也居惡在仁是也路惡在義是也居仁由  
義大人之事備矣 孟子曰仲子不義與之  
齊國而弗受人皆信之是舍簞食區姜之義  
也人莫大焉亡親戚君臣上下以其小者信  
其大者奚可哉 桃應問曰舜為天子臯陶  
為士瞽瞍殺人則如之何孟子曰執之而已

矣然則舜不禁與曰夫舜惡得而禁之夫有  
所受之也然則舜如之何曰舜視弃天下猶  
弃敝屣也竊負而逃遵海濱而處終身所然  
樂而忘天下 孟子自范之齊望見齊王之  
子謂然嘆曰居移氣養移體大哉居乎夫非  
盡人之子與孟子曰王子宮室車馬衣服多  
與人同而王子若彼者其居使之然也况居  
天下之廣居者乎魯君之宋呼於怪澤之門  
守者曰此非吾君也何其聲之似我君也此



無他居相似也 孟子曰食而弗愛豕交之也愛而不敬獸畜之也恭敬者幣之未持者也恭敬而無實君子不可虛拘 孟子曰形色天性也惟聖人然後可以踐形 齊宣王欲短喪公孫丑曰為菽之喪猶愈於已乎孟子曰是猶或紵其兄之臂子謂之姑徐徐云爾亦教之孝弟而已矣 王子有其母死者其傅為之請數月之喪公孫丑曰若此者何曰是欲終之而不可得也雖加一日愈於

已謂夫莫之禁而弗為者也 孟子曰君子之所以教者五有如時雨化之者有成德者有達財者有答問者有私淑艾者此五者君子之所以教也 公孫丑曰道則高矣美矣宜若登天然似不可及也何不使彼為可幾及而日孳孳也孟子曰大匠不為拙工改廢繩墨羿不為拙射變其彀率君子引而不發躍如也中道而立能者從之 孟子曰天下有道以道殉身天下無道以身殉道未聞以



道殉乎人者也 公都子曰滕更之在門也  
若在所禮而不答何也 孟子曰挾貴而問挾  
賢而問挾長而問挾有勲勞而問挾故而問  
皆所不答也 滕更有二焉 孟子曰於不可  
已而已者無所不已於所厚者薄無所不薄  
也其進銳者其退速 孟子曰君子之於物  
也愛之而弗仁於民也仁之而弗親親親而  
仁民仁民而愛物 孟子曰知者無不知也  
當務之為惡仁者無不愛也 惡親賢之為務

堯舜之知而不編物惡先務也 堯舜之仁不  
徧愛人惡親賢也不能三年之喪而總小功  
之察放飯流歎而問無齒決是之謂不知務

孟子卷第十三



孟子卷第十四

盡心章句下

孟子曰不仁哉梁惠王也仁者以其所愛及其所不愛不仁者以其所不愛及其所愛公孫丑曰何謂也梁惠王以土地之故糜爛其民而戰之大敗將復之恐不能勝故驅其所愛子弟以殉之是之謂以其所不愛及其所愛也 孟子曰春秋無義戰彼善於此則有之矣征者上伐下也敵國不相征也 孟子



曰盡信書則不如無書吾於武成取二三策而已矣仁人無敵於天下以至仁伐至不仁而何其血之流杵也 孟子曰有人曰我善為陣我善為戰大罪也國君好仁天下無敵焉南面而征北狄怨東面而征西夷怨曰奚為後我武王之伐殷也革車三百兩虎賁三千人王曰無畏寧爾也非敵百姓也若崩厥角稽首征之考言正也各欲正己也焉用戰 孟子曰梓匠輪輿能與人規矩不能使人

巧 孟子曰舜之飯糗茹草也若將終身焉及其為天子也被袷衣鼓琴二女果若固有之 孟子曰吾今而後知殺人親之重也殺人之父人亦殺其父殺人之兄人亦殺其兄然則非自殺之也一問耳 孟子曰古之為關也將以禦暴今之為關也將以為暴 孟子曰身不行道不行於妻子使人不以道不能行於妻子 孟子曰周于利者凶年不能殺周于德者邪世不能亂 孟子曰好名之



人能讓千乘之國苟非其人簞食豆羹見於  
色 孟子曰不信仁賢則國空虛無禮義則  
上下亂無政事則財用不足 孟子曰不仁  
而得國者有之矣不仁而得天下未之有也  
孟子曰民為貴社稷次之君為輕是故得  
乎立民而為天子得乎天子為諸侯得乎諸  
侯為大夫諸侯危社稷則變置犧牲既成黍  
盛既潔祭祀以時然而旱乾水溢則變置社  
稷 孟子曰聖人百世之師也伯夷柳下惠

是也故聞伯夷之風者頑夫廉懦夫有立志  
聞柳下惠之風者薄夫敦鄙夫寬奮乎百世  
之上百世之下聞者莫不興起也非聖人而  
能若是乎而况於親炙之者乎 孟子曰仁  
也者人也合而言之道也 孟子曰死子之  
去魯曰遯、吾行也去父母國之道也去齊  
接淅而行去他國之道也 孟子曰君子之  
危於陳蔡之間無上下之交也 貉稽曰稽  
大不理於口孟子曰無傷也士憎茲多口詩



云憂心悄悄愠于群小死子也肆不於厥愠  
亦不殞厥問文王也 孟子曰賢者以其昭  
昭使人昭昭今以其昏昏使人昭昭 孟子  
謂高子曰山徑之蹊間介然用之而成路為  
間不用則茅塞之矣今茅塞子之心矣 高  
子曰禹之聲尚文王之聲孟子曰何以言之  
曰以追蠡曰是奚足哉城門之軌兩馬之力  
與 齊饑陳臻曰國人皆以夫子將復為發  
棠殆不可復孟子曰是為馮婦也晉人有馮

婦者善搏虎卒為善士則之野有象逐虎虎  
負嵎莫之敢撻望見馮婦趨而迎之馮婦攘  
臂下車象皆悅之其為士者笑之 孟子曰  
口之於味也目之於色也耳之於聲也鼻之  
於臭也四肢之於安佚也性也有命焉君子  
不謂性也仁之於父子也義之於君臣也禮  
之於賓主也智之於賢者也聖人之於天道  
也命也有性焉君子不謂命也 浩生不害  
問曰樂正子何人也孟子曰善人也信人也



何謂善何謂信曰可欲之謂善有諾已之謂  
信充實之謂義充實而有光輝之謂大而  
化之之謂聖聖而不可知之謂神樂正子二  
之中四之下也 孟子曰逃墨必歸於楊逃  
楊必歸於儒歸斯受之而已矣今之與楊墨  
辯者如追放豚既入其豎又從而招之 孟  
子曰有布縷之征粟米之征力役之征君子  
用其二緩其二用其二而民有殍用其三而  
父子離 孟子曰諸侯之寶三土地人民政

事實珠玉者殃必及身 孟成括仕於齊孟  
子曰死矣孟成括孟成括見殺門人問曰夫  
子何以知其將見殺曰其為人也小有才未  
聞君子之大道也則足以殺其軀而已矣  
孟子之滕館於上官有業屨於牖上館人求  
之不得或問之曰若是乎從者之廖也曰子  
以是為竊屨求與曰殆非也夫子之設料也  
往者不追來者不拒苟以是心至斯受之而  
已矣 孟子曰人皆有所不忍達之於其所



忍仁也人皆有所不為達之於其所為義也  
人能充無欲害人之心而仁不可勝用也人  
能充無穿窬之心而義不可勝用也人能充  
無受爾汝之實無所往而不為義也士未可  
以言而言是以言餽之也可以言而不言是  
以不言餽之也是皆穿窬之類也 孟子曰  
言近而指遠者善言也守約而施博者善道  
也君子之言也不下帶而道存焉君子之守  
脩其身而天下平人病舍其田而芸人之田

所求於人者重而所以自任者輕 孟子曰  
堯舜性者也湯武反之也動容周旋中禮者  
盛德之至也哭死而哀非為生者也經德不  
回非以干祿言語必信非以正行也君子行  
法以俟命而已矣 孟子曰說大人則藐之  
勿視其巍然堂高數仞榱題數尺我得志  
弗為也食前方丈侍妾數百人我得志弗為  
也般樂飲酒驅騁田獵後車千乘我得志弗  
為也在彼者皆我所不為也在我者皆古之



制也吾何畏彼哉 孟子曰養心莫善於寡  
欲其為人也寡欲雖有不存焉者寡矣其為  
人也多欲雖有存焉者寡矣 曾皙嗜羊棗  
而曾子不忍食羊棗公孫丑問曰膾炙與羊  
棗孰美孟子曰膾炙哉公孫丑曰然則曾子  
何為食膾炙而不食羊棗曰膾炙所同也羊  
棗所獨也諱名不諱姓姓所同也名所獨也  
萬章問曰孔子在陳曰盍歸乎來吾黨之  
士狂簡進取不忘其初孔子在陳何思魯之

狂士孟子曰孔子不得中道而與之也狂  
狷乎狂者進取狷者有所不為也孔子豈不  
欲中道哉不可必得故思其次也敢問何如  
斯可謂狂矣曰如琴張曾皙牧皮者孔子之  
所謂狂矣何以謂之狂也曰其志嚶嚶然曰  
古之人古之人夷考其行而不掩焉者也狂  
者又不可得欲得不屑不潔之士而與之是  
狂也是又其次也孔子曰過我門而不入我  
室我不憾焉者其惟鄉原乎鄉原德之賊也



曰何如斯可謂之鄉原矣曰何以是嚶嚶也  
言不顧行行不顧言則曰古之人古之人行  
何為踽踽涼涼生斯世也為斯世也善斯可  
矣闐然媚於世也者是鄉原也萬章曰一鄉  
皆稱原人焉無所往而不為原人孔子以為  
德之賊何哉曰非之無舉也刺之無刺也同  
乎流俗合乎汙世居之似忠信行之似廉潔  
象昏悅之自以為是而不可與入堯舜之道  
故曰德之賊也孔子曰惡似而非者惡莠恐

其亂苗也惡佞恐其亂義也惡利口恐其亂  
信也惡訥聲恐其亂樂也惡紫恐其亂朱也  
惡鄉原恐其亂德也君子反經而已矣經正  
則庶民興庶民興斯無邪慝矣○孟子曰由  
堯舜至於湯五百有餘歲若禹臯陶則見而  
知之若湯則聞而知之由湯至於文王五百  
有餘歲若伊尹萊朱則見而知之若文王則  
聞而知之由文王至於孔子五百有餘歲若  
太公望散宜生則見而知之若孔子則聞而




知之由孔子而來至於今百有餘歲去聖人  
之世若此其未遠也近聖人之居若此其甚  
也然而無有子甬則亦無有乎甬

孟子卷第十四

聖人後到不可期其後志方也  
忠信凡固亦不可廢其在處其信  
亦不可勿之乃其志也志於  
夫及志四出五種能浸淫玩釋  
和以唯日在久矣又以公可執  
卷帙之重大不便於怪神百故又  
嘗余文以繩以細字及志一付  
記工又出予序在末鳴學勤  
孝公之為學也





已亥清明

鮮刑部外郎

姜沆跋

